

BOCHOR REAK 31AK ATHWAR

Onor

Kristre adi manotan dularia Go-Baba, boeha-miserako- jotoko Jisu maran

Tehen do bochor reak pe gel mit Athwar kana.

Dularia Go-Baba, boeha-miserako, aboak Isia dhorom do Barea khuti re tikauakana ar onakin barea khuti do kana: Isor dular ar manwa dular. Niakin do mitten siki reak dene- banar kana; mitten begor dosarak do banje tãhãna. Isor dular te abo do manwa dular bon jhalkao dareyaka ar manwa dular te abo do Isor dularbon jhalkao ocu dareyaka. Isor dular ar manwa dular joto khon soros ar maran an do.

Tehenbon kulikma:

Inak Isor dular re inak akotak doe okoe kana: dhon- sompod, taka-paisa, se dharti reak jinisko?

Inak manwa dular dahar re inak akotak doe okoe kana: hiska, lobh-laloc, besuluk?

Isor dular ar manwa dular do Isorak em hokum lekan senakkana se ban?

Pahil Pat

Jirimia Nabiaak puhi khon tehenak pahil pat Jirimia 31:7-9

[7] Probhu Isore meneda, "Ape do Jakob lagit' kusi monte sereñpe; sanamko khon soros jatrenko lagit' sarhao sereñpe. Ape do sarhao sereñate menpe, 'E Probhu Isor, amren horko, Israelren sarec' horko bare bancaokom.' [8] Nelpe, utar disam khon in do Israelkon agukoa ar dharti reak' ses simana khoniñ jarwa mit'koa. Onko modre kãrãko, leðhako, bharti hormoko ar bedon rakap' akat'ko maejiu hõko tahena; ar maran utar mit'tec' dolko ruar hijuk'a. [9] Onko do rak' rak'teko hijuk'a; ar tinre onkon ruar agukoa unre onko do koe koeteko hijuk'a. Onko do otte ar gaða dak'ko sec'teñ tarãam ocokoa; onde onko do bako tohodok'a, ente in do Israelren, metak'me Eprayimren apat kanan ar uni do inren pahil janamic' hopon kanae.

Noage Probhuak Katha do.

Sereñ Ruarok Orhẽ 17:2-3, 4, 47, 51

Dularẽmeañ, E Probhu, inak dare.

1. Dularẽmeañ, E Probhu, inak dare.

Inak çatãini, inak aotan gar, inren Babarãcaoiç.

Inren Isor do inak çatãini dhiri kanae,

One Unireñ aotanokkan:

Inak dhiri, inak bancaok reak dereñ, inak aotan.

Probhu do bebek sarhao nam lek kanae:

Probhuñ hohoea ar inren bairi khoniñ bancaoka.

2. Probhui maḥimakma. Inák çaṭaniye sarhaokma!

Inák bańcaoren Isore marańokma.

Uni do Acren raje bańcao aroedekana

Ar Acren olokić laḡit Acak dulare udukkeda.

Dosar Paṭ

Ibriko laḡit Puṭhi khonak teheńak Dosar Paṭ 5:1-6

[1] Hoṛko sec' khon Isorak' dewa sewae laḡit' mimit' marań naekeko do manwako tala khon bachaokateye bahalok' kana, jemon manwakoak' kai iate janware daṛeye ar eṭak' danko hoē samań daṛeak'. [2] Okoe begor baḍaeteko kaiyet'kan ar baṛic' horteko calak'kan onko saote uni do maḥirteye beohara, ente unire hoē nijortet' do menak'gea. [3] Uni do cet'leka eṭak' hoṛkoak' kai laḡit' janware daṛeyedekan onkage ac' apnartet' hoē nijorgete apnar laḡit' hoē ona daṛē samań hoyok'taea. [4] Marań naeke hoyok' reak' man do okoe hoē apnarte bae hatao daṛeak'a, menkhan Isor okoeye hohowae unige ona reak' man doe nama, cet'leka Isor do Aron marań naeke hoyok' laḡit'e hohowade tahēkan. [5] Katha do Maṣire hoē khaṭaok'gea. Maṣi do apnarak' sanate marań naeke hoyok' laḡit' apnarte do bae usullena, Isorge noa mente ona manote dan akawade tahēkana. Am do ínren Hopon kanam, teheńge amren apatiń hoyena. [6] Onkage Isor do ar mit' jaegareye menakada, am do jaejug haḅic' naeke kanam, Melkisedek reak' dhara lekate.

Noage Probhuak Katha do.

Sarhao Arań

Alleluia!

Jahēge Ine dularińkhan, Inák kathae dohorea,

Probhui meneda, ar Inren Apuń do uniye dularea ar

uni theniń hijuka.

Alleluia!

BHAGE SOMBAT

Sonot Markuse olakaṭ leka Bhage Sombat Mark 10:46-52

[46] Ado Jisu ar uniren celako do Jerikho nagrahateko calaena. Ar celako ar gadel hoṛko saote nagraha khone oḍok calak'kan tahēkanre Timairen hopon Baṛtimaiń nutuman mit'ten kaṛa kokoe hoṛ do hor aṛereye duṛup' akan tahēkana. [47] "Ar Nasaretren Jisu," kanae menteye ańjomket' khan aṭ arańte hohoye ehop'ena, "E Daḍdren hopon Jisu, dayawańme." [48] Noate dher hoṛge uniko dhomkaokedete thir hapekok'ko metadea, menkhan uni do artet'ge aṭ arańte hohoateye menkeda, "E Daḍdren hopon Jisu maṛawańme bare." [49] Jisu do teńgoyenteye metat'koa, "Uni hohowaepē." Khan uni kaṛa hoṛ hohoadeteko metadea, "Alom botorok'a ma beret'me. Uni do ame hohowam kana." [50] Unre uni do ac'ak' oyon kicric' capat' giḍikat'teye don beret'ena ar Jisu thene hec'ena. [51] Jisu do uniye kulikedea, "Am laḡit' cet' in cekaē? Ar cet'em khojkana?" Kaṛa hoṛe menkeda, "E Probhu, jemoniń neńel." [52] Jisui menkeda, "Do calak'me, am do paṭiau akantem bogeyena." Uni hoṛ do unrege neńele ehop'ena ar horteye pańja idikedea.

Noage Probhuak Jisuk Bhage Sombat do.

Dhorom Galmarao

Kristre ađi manotan đulariđ Go-Baba, boeha-miserako- jotoko Jisu marań

Jisu do barea hokumge miť barabari reye dohoyetkana. Niđkin hokum cetan rege etak hokum ko do țarhaoakana. Niđkin ge sanam hukumko reak rehet do. Niđkin hokum begor etak hokum ko reak mane do oho ge menaka; ona iate niđkin hokum do dharti reak sanam an ar नियomko cetan re sorosa ar cetan re menaka.

Baebel puthi seć khon nel lekhać pea jos karon ko menaka cedać abo sanamko do aboren ađepaseren sanamko dular jarur tabona:

i. Cedać je Isor do sanam manwakoe dularetkoa. Sanam manwako do Isorren sirjonko kanako. Isor do sanamko ge acak asamber dular teye dularetkoa cet leka uni do abokoye dularetbon.

ii. Cedać je Jisu do sanam kaian manwako lagit geye goćakana. Uni do eken miť hor se bar hor lagit do bae goćakana. Uni do sanam ko lagit geye goćakana cedać je sanam hor geko kaikada ar uni do sanamko bancao lagit geye goć lena are beret ruarena.

iii. Cedać je Isor Baba do sanam dharti ren horko lagit serma disom re jaigai sapraoakatbona cet leka uni do abo lagit jaigai sapraoakat. Uni do sanam sermate idie menetkana.

Ađepaseren dular reak kane do niđe je abo do etak horko ban hirkhawakoa, ban ariswakoa, ban santaokoa, ban erekoa, ban seńgelkoa, ban egerkoa, kaćic ban likhako, ere goha ban emoka, ban khunkoa, etak horren maejiuko ban lalockoa, etak horak nutum ban bodnama, etak horak baric ban khoja, etak horak ban lalisaka, emanteakko....

Nehor Koe

Kristre đulariđ Go-Baba, boeha-miserako, aboren Sisirjauic Baba do acren ekaput Hopon emabon dhabicē dularakatbona jemon jaejug jione emabon. Dela aboak ontor tetan ar koe-arojko, unibon samańaema. **Aboak roř ruar do:**

E Probhu aleak koe-arojko luřuratalem.

E Baba Isor, ale do aleren Girjaren Gućpic, Dhorom Papa Pharancis lagit'le nehorokkana, dayatamte, amak dular reak tonol re tolmitkaeme jemon uni do sanam horko Isor dular ar manwa dulare cetako ar sanam thai re dular reak Bhage Sombat do kami ar namuna teye pasnao. Noa lagit' debon koema.

E Probhu aleak koe-arojko luřuratalem.

E Baba Isor, ale do ale dhorom subaren ayuic aboren Bishop Baba- lagit'le nehorokkana, dayate amak daya dular ar amak dante perećkaeme jemon uni acak subaren sanam horko bhage dahar reye ayurko ar Isorak raj re bolok lagit lekman hore hoeocuko. Noa lagit' debon koema.

E Probhu aleak koe-arojko luřuratalem.

E Baba Isor, ale do unko sanam dharti manwako lagit' nehorokkana, okoeko do dharti reak jinis kore Isor ar Isorak dularko sendraeyetkan daya kate amak sahajte pereckome jemon unko do Isor umul re tahente Isorko name ar uniak dularko atkar. Noa lagit' debon koema.

E Probhu aleak koe-arojko luturatalem.

E Baba Isor, ale do ale atu-tolaren juan koru-kuriko lagit'le koeyet'kana, Amak daya-dular unko cetan re jhalkao ocueme jemon unko do jion reak sari maneko nam orom ar Bhage Sombat lekate jionko kema. Noa lagit' debon koema.

E Probhu aleak koe-arojko luturatalem.

E Baba Isor, ale onko sanam isai boeha-miserako lagit'le koeyet'kana, jemon dharti re besuluk mucatdakte, sanam horokoak ontor re suluk thamgidikma ar sanam thai re dular ar dupulur pasnao. Noa lagit' debon koema.

E Probhu aleak koe-arojko luturatalem.

E Baba Isor, ale nonde hajir menakko sanam isai boeha-miserako lagit'le koeyet'kana dayatamte amak bhor dan de jarialeme jemon ale sanamko do Isor dular ar adepaseren sanam ko saote dular te tahen te serma raj do noa dharti regeko ehop. Noa lagit' debon koema.

E Probhu aleak koe-arojko luturatalem.

Aayuric: E Babancaoic Jisu, ale amle sarhaoetmea cedakje am rege dharti khon serma calak dahar do Isor dular ar manwa dular reak dahar ar sikhaunako panjate sari jion ko nam. Ale amren nijor gidrakoak koe-aroj anjomtaleme ar amak mone leka purau taleme. Ini aleren Probhu Krist hotete. **Amen.**

Fr. Nicholas Besra SDB

